

## Xojon carta xi ma-ne jò xi kiskiì San Pedro

Kó tsò Pedro nga síhixat'aà xita

**1** <sup>1</sup>An, xi Simón Pedro 'mì-na, nga 'an xi chì'nda-la Jesucristo ma, kò nga tìkoà 'an tsibíxáya-na, tìsikasén-nò xojon jè, jñò xi ngàsòn 'nó ndaà mokjeiín-nò koni s'ín mokjeiín-najen; nga xita kixi-né jè Jesucristo xi Nainá ma kò xi ochrjekàjìin-ná kjo'in. <sup>2</sup>Koni s'ín nga isa ndaà titsayaxkon Nainá kò jè Jesucristo xi otíxoma-ná, k'oaá s'ín isa ndaà kàtasakó-nò kjondaà kò kjoa'nchán ya jjiin inima-nò.

Mé xi mochjeén nga s'eén nga ndaà jchaxkoán Nainá

<sup>3</sup>Jè nga'nó-la Nainá tsjá yije-ná xi mochjeén-ná nga titsajnakoaán kò nga ndaà yaxkoán Nainá. Koií kjoa-la nga tsjá-ná ngats'iì kjondaà koi nga yaxkoán jè xi kò kjoajeya-la kò nga'nó tsjeè-la kiichja-ná. <sup>4</sup>It'aà ts'e kjoa koi, kitsjaà-ná kjoa xi 'nó ndaà tjín kò xi 'nó tse chjí-la koni s'ín kitsjaà tso'ba Nainá, mé-ne nga tìkoà kokot'aà-ná nga k'oas'ín s'eén koni s'ín s'ín Nainá nga jye chinchat'aàxin-là kjoa xi ch'o síjé yijo-ná i isò'nde xi ta síkits'ón-ná. <sup>5</sup>K'oaá ma-ne, 'nó tinè-là yijo-nò jñà kjoa koi. Koni s'ín nga mokjeiín-nò it'aà ts'e Cristo, k'oaá tìs'ín mochjeén-né nga ndaà xita kàtama jñò. Nga jye ndaà xita ma, tìkoà mochjeén-né nga kàtas'e-nò xi kjoa chjine. <sup>6</sup>Nga jye tjín-nò kjoa chjine, tìkoá mochjeén-né nga kixi tatìxoma-là yijo-nò. Kò nga jye kixi otíxoma-là yijo-nò tìkoà mochjeén-né nga s'e-nò kjoatsejta. Kò nga jye tjín-nò kjoatsejta, tìkoá mochjeén-né nga nguì ndaà chaxkón Nainá. <sup>7</sup>Nga jye ndaà yaxkón Nainá, tìkoà mochjeén-né nga ndaà tìtsjacha xinguiòo. Kò nga jye ndaà matsjacha xinguiòo,

tikoáá mochjeén-né nga nguì ndaà tìtsjacha ngats'iì xìtā xi kj'eíí.

<sup>8</sup>Jñò, tsà t́jín-nò kjondaà koi, kò tsà kjit'aà nachrjein tík'aasòn-nò, mì jyò kitsajnaà; nguì ndaà kochjeén-nò nga isáá ndaà jchaxkoòn Jesucristo xi otíxoma-ná. <sup>9</sup>Tanga tsà t́jín i'nga xi tsjìn-lā kjondaà koi, k'oaá ngaya-lā koni xìtā xkān xi mìkìi ndaà tsejèn-lā; jyeé kijchàajìin-lā nga Nainá jye kisìjchàat'aà-lā jé xi kis'e-lā nga sà ítjòn. <sup>10</sup>K'oaá ma-ne, jñò, ndí 'ndsè, isa 'ñó t́jii-lā nga'ñó yijo-nò nga tìkixiyàá kjoa nga Nainá xó k'oaá s'ín kiìchjā-nò kò jaàjìin-nò. Tsà k'oas'ín s'een kjit'aà, nìmé jé skajñòd. <sup>11</sup>Nga k'oaá s'ín koma nga táx'a'nde-nò nga kitjás'een ñánda tíhotíxoma nìtā kjé-ne jè Jesucristo xi ochrjekàjìin-ná kjo'in kò xi otíxoma-ná.

<sup>12</sup>Koif kjoa-lā kjit'aà nachrjein sikkítsjeèn yije-nò kjoa koi, nas'ín jye ma-nò kò jye kixi tìtsajnakoo jè kjoakixi-lā Nainá koni s'ín mokjeifn-nò nachrjein i'ndeí. <sup>13</sup>K'e nga tákó tìjnakon-isa i isò'nde jè, mochjeén-né nga síkítsjeèn-nò nga kos'ín tìjchá yijo-nò. <sup>14</sup>Jè Jesucristo xi otíxoma-ná jyeé k'oas'ín kitsò-na nga jyeé kjòchrañat'aà nga kjoehet'aà nachrjein-na. <sup>15</sup>Tikoáá 'an tìbìnè-lā yijo-nā nga tísikkítsjeèn-nò mé-ne k'e nga 'an xi jye kiyá, nga nachrjein nchijòn k'oaá s'ín tikkítsjeèn kjoa koi.

### Ñánda j'iì-ne 'én xi t́jt'aà Xojon-lā Nainá

<sup>16</sup>Nga mìtsà ta cuento xi ta xìtā kisikkítsjeèn koni s'ín tsibenojmí-nòjen kó kji nga'ñó kis'e-lā Na'èn-ná Jesucristo kò nga kjoif ijngodò k'a. Nga xkoón ki'ya-nájen kjoajeya-lā nga 'ñó tse nga'ñó t́jín-lā. <sup>17</sup>Ki'ya-nájen k'e jè Nainá xi Na'èn-ná nga jeya kò 'nga kisikíjna Jesucristo. Kina'yà-lā ya ijìin isén ñánda 'ñó ote kji 'én xi kitsò: “Jè jèè xi ki'ndí-nā xi 'ñó matsjake nga xó 'an jaàjìin-na.” <sup>18</sup>Ngajen sobà kina'yà-lājen jñā 'én xi ngajmì inchrobà-ne k'e nga tìtsajnakò-jen Jesucristo ya isò'nga nindodò tsjeè-lā.

<sup>19</sup>Nga yije kjoa koi, k'oaá s'ín isa ndaà makixiya koni s'ín kiìchjā jñā xìtā xi kiìchjā ngajo-lā Nainá. 'Ñó ndaà 'nè nga na'yà-lā 'én koi. K'oaá s'ín ngaya-lā koni jngodò ni'ín xi síhiseèn ya i'nde ñánda jñò choòn skanda k'e nga s'e isén, ikjoàn síhiseèn-jìin inìma-ná koni jè ni'ño tse. <sup>20</sup>Ítjòn k'oa s'ín ndaà kàtasijìin-nò, jñā 'én xi t́jt'aà Xojon-lā Nainá, mìtsà ta jngodò

xit̄a kitsjaà kjohítsjeèn-l̄a nga kitjei. <sup>21</sup>Nga jñà xit̄a xi kiichja ngajo-l̄a Nainá, nijngod'én xi ta kjohítsjeèn ts'e nga kiichjaya. Jé Inima Tsjeè-l̄a Nainá kisikichiya-l̄a kjohítsjeèn-l̄a xit̄a koi nga komà kiichjaya 'én-l̄a Nainá.

### Xit̄a ndiso xi okóya 'én xi mìtsà kixi kjoa

(Judas 4-13)

**2** <sup>1</sup>Ya jjiin naxandá Israel kis'e xit̄a ndiso xi kitsò nga 'én-l̄a Nainá kiichjaya, tanga mìtsà kixi kjoa. It'aà tsajòn, k'oaá t̄is'ín s'e xit̄a ndiso xi kòkòya'ma kjohítsjeèn xi síkíts'ón-jiin-l̄a xit̄a naxandá-l̄a Nainá, skanda kochrjengui jè Na'è-ná xi tsibíhjt̄jì-ná. K'oaá ma-ne nga jñà xit̄a koi, tijnà nchihótsji-l̄a kjoabiyaà yijo-l̄a nga ta nitoón jchija. <sup>2</sup>'Nó kjin xit̄a kjit̄jngui-l̄a nga k'oas'ín s'iin kjoa xi 'nò ch'o t̄jín. Koi kjoa-l̄a xit̄a ndiso koi, nga ch'o kiná'ya-l̄a kjoa ts'e ndiyá kixi. <sup>3</sup>Jñà xit̄a ndiso koi, ta toón tse mejèn-l̄a; kochrjekájno-nò ton nga skónachan-nò nga kòkòya-nò 'én ndiso. Nainá, jyeé kjòtseé t̄jindaà-l̄a nga tsjá-l̄a kjo'in kò mikiì kojno-l̄a kjo'in xi s'e-l̄a. <sup>4</sup>Nga Nainá mikiì kisijchàat'aà-l̄a jñà àkjale xi tsohótsji jé. Ján kiskinjiin j̄nde kjo'in n̄anda títi ni'ín. Na'nò kicha cadena tsibít'aà'nò. Yaá kisikítsajnaya ngajo n̄anda jñò choòn, skanda jè nachrjein k'e nga sindaàjiin. <sup>5</sup>Nainá, t̄ikoaá mikiì kisijchàat'aà-l̄a isò'nde xi kisijna kjòtseé; kisikasén jtsí xkón xi kisikjehesòn yije xit̄a xi kis'e nachrjein koi. Tà jè Noé kisijchàat'aà-l̄a, koi kjoa-l̄a nga 'én kixi kiichjayajiin-l̄a xit̄a, kò itoò xit̄a xíkjín tsiningui-ne. <sup>6</sup>Nainá t̄ikoaá kisikjehesòn yije xit̄a ts'e naxandá Sodoma kò Gomorra. Jngod'k'aá tsaká, ta chijo kisinchaà. K'oaá s'ín tsibíjna jngod-l̄a chiba nga k'oaá t̄is'ín komat'in jñà xit̄a xi kondra t̄itsajna-l̄a Nainá. <sup>7</sup>Tanga jè Lot nga xit̄a kixi, itjokàjiin kjo'in. 'Nó ch'o komà-l̄a kjoa ts'e jé xi nchis'ín jñà xit̄a naxandá koi. <sup>8</sup>Xit̄a jè nga xit̄a kixi-né, nga ya t̄ijnajiin-l̄a jñà xit̄a koi nga ch'o nchis'ín, kjo'iín t̄isíkjeiín nga 'on ma-l̄a inima-l̄a nga nachrjein nchijòn beè koa 'nchré-l̄a kjoa xi ch'o nchis'ín xit̄a koi. <sup>9</sup>Yaá tí'ya-l̄a nga jè Na'è-ná osiko-né jñà xit̄a xi beèxkón nga síkítsajnadeií mé kjoa xi t̄jín-l̄a, t̄ikoa síkítsajna'nò-né jñà xit̄a xi ch'o s'ín nga tsjá-l̄a kjo'in jè nachrjein k'e nga sindaàjiin.

<sup>10</sup> Jñà títsajna ítjòn nga s'e-là kjo'in jñà xitá xi 'nó fitjngui-la kjoa ch'o xi s'íjé yijo-là ko jñà xi ochrjekàngui kjotíxoma-la Nainá.

Jñà xitá ndiso koi, xitá tájaàjiin nga 'nó 'nga ikon. Mìkiì tsakjón nga chjajno-là jñà nga'nó xi mìkiì tsejèn. <sup>11</sup> Jñà àkjale, nas'ín isa tse nga'nó tjín-là koa tjín-là kjotíxoma, mì k'oaá s'ín chjajno-là nga'nó xi mìkiì tsejèn nga nguixkon Na'è-ná.

<sup>12</sup> Jñà xitá koi, chjajnoó-là kjoa xi mìkiì fiya-là. K'oaá s'ín ngaya-là koni cho xi mìkiì síkítsjeèn nga tà xó k'oaá s'ín kits'iin-ne nga kindoba'nó ikjoàn sik'en. Xitá koi, yaá kiyájiin kjoa ts'e jé-là. <sup>13</sup> Koi kjo'in tjoé ngajo-là koni tjín kjo'in xi kitsjaà-là xitá xi k'ejí. Jñà xitá koi, nas'ín nachrjein, tsjaá ma-là nga s'ín kjoa xi 'nó ch'o tjín. K'e nga jñà xitá koi, báhihtako-nò tsà s'eí tjín-nò, síkíts'on-jüin-né nga sísobà-nò nga ch'o tjín kjoa xi s'ín.

<sup>14</sup> K'e nga beèxkon jngod chjoón, nitoón fahajiin-là ko mìkiì ma síkíjna kjoa ts'e jé. Konachan-là xitá xi mì kixí tjín kjohítsjeèn-là. Inima-là, kjit'aà nachrjein tjín mé xi mejèn-là. Xitá koi, tjínè-là nga kjo'in tjoé-là. <sup>15</sup> Jyeé kisikíjna ndiyá kixí. Jè fitjngui-la ndiyá xi ch'o tjín, jè ndiyá ts'e Balaam, ki'ndí-la Beor, jè xi 'nó kjòtsjakeè ton nga mejèn-là s'iin kjoa xi mìtsà kixí tjín. <sup>16</sup> Tanga tsaká-là kjoa ts'e jé-là. Jngod búrró chjoón xi mìkiì ma-là chja, kiichja-là koni tsà xitá; mìkiì kitsjá'nde-la nga kiiko-isa kjoaská-là.

<sup>17</sup> Jñà xitá ndiso koi, k'oaá s'ín ngaya-là koni ngajo nandá xi tsjìn-là nandá, koni ifi xi nímé jtsí fiko, nitoón fiko tjo. K'oaá s'ín tjínè-là nga ya kítsajnajiin i'nde jñò ts'e kjo'in nitá mé nachrjein-ne. <sup>18</sup> Nguì 'én 'ngaá chja xi nímé chjí-là. 'Nó 'nga ikon nga síchjeén kjoach'o xi sasén-là yijo-là nga konachan-là jñà xitá xi sa nchibinchat'aaxìn-là jñà xitá xi ch'o nchisíjchá yijo-là. <sup>19</sup> K'oaá tsò-là jñà xitá nga kítsajnandeí, tanga tijñà-ne tikoaá yaá títsajnajiin'nó kjoach'o-là. K'e nga jngod xitá xi bíjnajiin'nó jngod kjoa, jè kjoa jè tjín-là nga'nó nga jè otíxoma-là. <sup>20</sup> Jñà xitá xi jye kijtseèxkon Jesucristo xi otíxoma-ná, nga jè tsachrjekàjiin kjo'in, nga jye chinchat'aaxìn-là kjoa ch'o-là isò'nde, tsà ijngod k'a k'oa'sín s'iin, tsà sìikijne ijngod k'a-là kjoa xi ch'o tjín, nga koma iskan, isáá ch'o komat'in mì k'oa-ne k'e nga sa ítjòn. <sup>21</sup> Isaá-la ndaà

tjín tsà mìkiì kijtseèxkon ndiyá kixi-là Cristo, mì k'oa-ne nga jye chinchat'aàxin-là kjotíxoma tsjeè-là Nainá xi jye kitjoé-là. <sup>22</sup>Xità koi, k'oaá s'ín kis'iin koni tsò 'én xi tjina-là xità xi tjín-la kjoachjine nga tsò: “Nañá, tije kine ijngoò k'a-ne ndábisò-la” koa: “Jè chinga k'e nga jye ongáya, ijngoò k'a ongáyajin-ne ndási.”

### K'e nga kjoíí ijngoò k'a Na'èn-ná Jesucristo

**3** <sup>1</sup>Ndí 'ndsè xi 'ñó matsjake-nò, xojon jè, jè xi ma-ne jò nga tikjiì-nò. Ingajò xojon koi, k'oaá s'ín binè-nò nga sikítsjeèn kjoa xi ngui kixi tjín; <sup>2</sup>mé-ne nga sikítsjeèn-nò jñà 'én xi kjòtseé tsakóya xità tsjeè-là Nainá xi kiichja ngajo-la. Tikoá sikítsjeèn kjotíxoma-là Na'èn-ná Jesucristo xi tsachrjekàjìn-ná kjo'in koni s'ín tsakóya-nò jñà xità xi tsibíxáya-la.

<sup>3</sup>Jè xi 'ñó mochjeén nga ndaà kàtasijìn-nò, jñà nachrjein xi sa nchrobá nga jyeé tífehet'aà nachrjein, kjoíí xità xi sùsobà-nò ts'e kjoa kixi; yaá kojchájìn kjoach'o xi síjé yijo-la. <sup>4</sup>Skonangui, kitso-nò: “Nachrjein i'ndeí, ¿mé-ne mì títbasòn-ne 'én xi tjina xi tsò nga kjoíí ijngoò k'a Cristo? Jyeé kjòtseé k'en xità jchínga-ná, tákó k'oaá choòn skanda kóni nga kisindaà isò'nde.” <sup>5</sup>Jñà xità xi k'oa tsò, xó k'oaá s'ín-ne nga síjchàajìn nga jñà 'én xi kiichja Nainá nachrjein kjòtseé, jñà kisindaà-ne ngajmii kò nangui. Tijè-ne nandá inchrobàt'aà-ne kò tijè tjínakon-ne. <sup>6</sup>Xi komà iskan, tijè-ne 'én-la Nainá kò nandá kisikje-ne isò'nde jchínga k'e nga tsangasòn nandá. <sup>7</sup>Ti jé-ne 'én xi kitsjaà Nainá k'oaá s'ín tíchja nga jè ngajmii kò nangui ñánda titsajnasoán nachrjein i'ndeí, titsajnandaà-la mé-ne nga kitì-ne jè nachrjein k'e nga sindaajìn-la xità tikoá kjoehesòn jñà xità xi mìkiì beèxkón Nainá.

<sup>8</sup>Jñò ndí 'ndsè xi matsjake-nò kì nìjchàajìn-jèn kjoa koi: xi it'aà ts'e Nainá, jngoò nachrjein k'oaá ngaya-la koni tsà jngoò jmii nó tjín-ne, koa jngoò jmii nó, Nainá, jngoò nachrjein tsò-la. <sup>9</sup>Na'èn-ná mìtsà tísíkichrjein nga sùikitasòn 'én-la koni tsò i'nga xità; tíkoña kjoaá-nò Nainá; jè xi mejèn-la nga nijngoò xità jchija, nga kàtasíkájno jé-la nga mì ti jé kohótsji-ne.

<sup>10</sup>Tanga jè nachrjein-la Nainá, k'oaá s'ín kjoíí koni s'ín f'iì xità chijé. Ngajmii, jngoò k'aá jchija k'e nga kiná'ya-la nga

ch'o jchán kjone. Jè ts'oi, sá kō ni'ño kiti-ne. Jè nangui kō nita mé xi tjin i it'aà nangui, jngod k'aá kiti.

<sup>11</sup>Koni s'in koma nga jchija ngats'iì tsojmì xi tjin, 'nó mochjeén nga tsjeè sijchá yijo-nò koni s'in síjé Nainá, <sup>12</sup>kō nga chíñakjoa-là jè nachrjein k'e nga kjoíí Nainá. Tixátiya-là nachrjein jè. Kō ngats'iì tsojmì xi tjin isò'nde kō ngajmiì, jngod k'aá kongandá nga kiti. <sup>13</sup>Tanga it'aà tsaján, jè titsachiñá-lá ngajmiì xitse kō nangui xitse koni s'in kitsjaà tso'ba Nainá, ya nánanda s'e kjoa kixi kō kjondaà.

<sup>14</sup>Koíí kjoa-la jñò ndí 'ndsè xi matsjake-nò, nga k'oa tjin kjoa xi titsachiñá-là, tji-là nga'nó yijo-nò, mé-ne k'e nga kjoíí jngod k'a Jesucristo, k'oaá s'in sakòt'aà-nò nga 'nchán kitsajnaà nga tsjeè titsanjchá yijo-nò kō nimé jé tjin-nò. <sup>15</sup>K'oaá s'in katasijjìn-nò, jè kjoatsejta-la Nainá nga tse titsachiñá, jè-né nga kitjokàjìn kjo'in jñà xita. Jè 'ndsè Pablo xita xinguiá xi 'nó matsjachaá, tikoáá jye isa kiskì-nò koni s'in tjin kjoachjine xi kitsjaà-la Nainá. <sup>16</sup>Nga jngod jngod xojon carta xi kiskì Pablo, k'oaá s'in tíchja kjoa koi. Tanga tjin i'nga xi 'nó 'in chja, mikì ndaà machiya-ná kó tsòya-ne. K'oaá ma-ne jñà xita xi mikì ndaà fiya-la kō xi mì kixi tjin kjohítsjeèn-la, síkjatjya-la 'én. K'oaá tì síko jñà Xojon-la Nainá xi kiskì xi kj'eíí xita. K'oaá ma-ne jñà xita xi koasíko 'én-la Nainá, tijñà nchihótsji-la kjo'in yijo-la.

### 'Én xi fehet'aà-ne

<sup>17</sup>K'oaá ma-ne, jñò ndí 'ndsè xi matsjake-nò, nga jye ndaà tjiìn-nò kjoa koi, tikindaá yijo-nò, mé-ne nga mì skónachan-nò jñà xita xi ch'o s'in nga xìn ndiyá kiko-nò xi mì kixi tjin kō yaá jchija nga kixi titsajnakoo Nainá. <sup>18</sup>Isáá ndaà katasakó-isa-nò kjondaà-la kō kjohítsjeèn-la Jesucristo xi otíxoma-ná nga jè ochrjekàjìn-ná kjo'in. Jeya kàtìjna i'nde kō nita mé nachrjein-ne. K'oas'in kàtama.